



## Universitätsbibliothek Paderborn

**Illvstrissimi Viri Petri De Marca Archiepiscopi Parisiensis  
Dissertationvm De Concordia Sacerdotii Et Imperii, Sev  
De Libertatibvs Ecclesiæ Gallicanæ, Libri Octo**

**Marca, Pierre de**

**Parisiis, 1669**

VI. Conradus Marpurgicus Legatus in Germania constitutus adversùs novos quosdam hæreticos, ferro flammaque grassatus, multos nimis præcipiti sententia damnavit, ut scripsit Godefridus.

**urn:nbn:de:hbz:466:1-15617**

## & Imperij Lib. V. Cap. LIII.

157

ribus Alexandri tertij , sub quo plures in Hispania synodos ab Hiacyntho celebratas fuisse reperio. Suetus potestati & imperio animus multa tentavit quæ varias querelas excitarunt , ut alibi observabimus. Nunc satis sit admonere castigatum fuisse illum ab Alexandro , quia præsumperat peragere translationem Episcopi ab una sede in aliam. Testatur istud Innocentius III ad Cencium Cardinalem scribens , qui , ut statim dicitur , Trojanum Episcopum transtulerat ad Ecclesiam Messanenlem. Nam cùm factum illius culpasset , demum addit : *Non ergo in ejus edium vel ad injuriam tui reputes esse factum , sed ut privilegium Petri maneat inconsumum ; cùm etiam felicis memorie Alexander Papa predecessor noster quæ simile fecerit , obviando præsumptioni Legati quem in Hispaniam destinarat , volenti simile attentare.*

V. Innocentium quoque tertium non dubito quin penituerit quod amplissimam protestatem tribuisse Cencio Presbytero Cardinali Tituli sancti Laurentii in Lucina , quem , ut dictum est supra , Legatum constituerat in regno Siciliæ. Is propria auctoritate , inconsulto Pontifice , qui translatio-nes Episcoporum ad solum Pontificem Romanum pertinere declaraverat , Galterum Trojanum Episcopum ad Panormitanam Ecclesiam transtulerat. Graviter & iniquo animo id tulit Innocentius , ut patet ex epistola ab eo scripta ad Legatum , ex qua colligere possumus penitusse illum quod Cencium Siciliæ Legatum creasset. *Nisi specialis illa dilectio , inquit , quam ad personam tuam habuimus & habemus , justum immo justissimum motum nostri animi temperaret , pœna docente cognoscere quantum in personam\* tuam exceperis , quantum in Romanam Ecclesiam deliqueris matrem tuam ; que cùm te nutrirerit & exalaverit , tu eam penitus sprevisse videris. Tu autem spretis canonici sanctionibus & consuetudine generali , motu proprio præsumpsisti , quod nec factum fuit nec auditum , venerabilem fratre nostrum Trojanum Episcopum regni Sicilie Cancellarium preter speciale mandatum nostrum de Trojana Ecclesia ad Panormitanam de facto , quia de jure non potuisti , transferre. Sed altius penetravit dolor Innocentij , cùm tempore-mentum à se allatum in hac causa contemp-tum videt à Gualtero per summam audacia-  
m. Tum puto Innocentium ex intimo cordis sensu pœnituisse concessæ Cencio legationis , cùm obsisti sibi videret in re magni momenti.*

VI. Anno MCCCXXXIIII. cùm quæ-dam foedissima hæresis suborta esset in Ger-mania , Gregorius IX ei abolendæ inten-tus , Episcopis quibusdam illarum partium ,

tum etiam Magistro Conrado Marpurgi-co , viro eloquentia sacra laude insigni , qui sanctæ Elizabeth Hungarorum Reginæ à confessionibus fuerat , injunxit uti teterri-mam illam luem conscriptis quamprimum crucisignatis præfocarent. Hæc tantum Gregorius. At Conradus , ut erat homo haud dubiè servidus , ferro flammâque gra-sandum putavit. Quos enim semel suspicatus erat hæresi illa imbutos esse , tametsi inno-centes essent , séque hæreticos non esse pa-lam & aperte contestarentur , flammis ad-dici jubebat , nisi faterentur se reos esse. *Nam & propera verae hæreses , inquit Godefridus monachus sancti Pantaleonis ad Coloniæ , & proper factas , multi nobiles & ignobiles , Cle-rici , monachi , inclusæ , burgenses , rustici , à quo-dam fratre Conrado igni supplicio per diversa Teutonia loca ( si fas est dici ) nimis precipiti sententia sunt addicti. Nam eodem die quo quis accusatus est , seu justè seu injustè , nullius ap-pellationis , nullius defensionis refugio proficien-te est damnatus & flammis crudeliter injectus.*

VII. Exstat in Chronico Alberici mona-chi Trium fontium epistola Archiepiscopi Moguntini & fratri Bernardi Dominicanici , qui fuerat olim Pœnitentiarius Papæ , ad Gregorium IX. in qua describuntur qua per eundem Conradum sive ac crudeliter gesta tum in Germania fuere. Inter cetera verò ista dicunt , quæ optimè congruant cum narratione Godefridi : *Et horum accusa-tio paulatim capit ascendere à rusticis ad burgen-ses honorabiles & eorum uxores , inde ad castella-nos & nobiles , in fine ad Comites propè & longè positos. Et Magister nulli quantumvis alte per-sonæ locum dedit legitime defensionis , nec etiam confiteri proprio sacerdoti ; sed accusatum oportait confiteri se hereticam esse , buffonem , cattum , pallidum virum , & hujusmodi monstra diffiden-tia pacis in oculo salutasse. Taliter quidam ca-tholici abjudicati maluerant innocentem cremari & salvare quād mentiri de criminis turpissimo , cuius non erant consciæ , & supplicium promereri. Quibus ipse Magister martyrium promittebat. Alij infirmi potius elegerunt mentiri quād comburi. Et infra : Et facta est confusio à seculis inaudita. Ego Archiepiscopus Magistrum Conra-dum primò solus , postea cum duobus Archiepisco-pis Colonensi & Treverensi , monui ut moderati-  
tis & dicretiis in tanto negotio se gereret. Qui non acquiecerit ; sed tandem contra nostram monitionem crucem publicè predicavit Moguntia. Quo viso , quidam ex illis interfecerunt eum prope Marburch. Addit post ita Albericus : Quid ad hec Dominus Papa rescripsit , nondum scimus ; nisi quod pœnitet eum satis quod tantam di-ctio Magistro Conrado potestatem permisit unde talis confusio emerit.*

V iii

*Chronicon Alberi  
rici MS. in Bi-  
bliotheca regia.*

*Cop. Roid trans-  
f. De off. Leg.  
u. Titula Collecta.*

*Filo super cap.  
t. 3.7.*

*Cop. Inter corpo-  
rata De cancellaria  
Episc. & in Regis-  
tatione. IIII.  
lib. sp. 512.*

*Cop. M. Specia-  
li. De off. Leg. in  
Titula Collecta.*

*Urbana*

*Filo. Oder. P. 97.  
nihil. 42.1200.  
6.1.*

*Bla. Zeyland.  
Acta. 1511. S.  
41. 6. folg.*